

Enformaziuns y Comunicaziuns

Consëi de Ploania: Le Consëi tin na sontada en dédemesaledema ai 8 d'aorí ales 8 da sèra, te salf de calogna.

Pelegrinaje/1: Les ères dla Val Badia tol pert al pelegrinaje en Jènn de dotes les ères dla diozeja, en sabeda ai 18 d'aorí. Al vèn inçe organisé en bus dla Val Badia demez. Enformaziuns y prenotaziuns čina ai 15 d'aorí pa Angela al nr. 338/2430045.

Pelegrinaje/2: Desco belo en pü' da tradiziun, vëgnel fat en pelegrinaje a Maria Weissenstein, ai 1. de mà. An pëia ia ales 6:00 sön plaza dal Cone, por jí cole bus fina sölè Lé de Čiarëza, da danlò ennant a pé fina a Weissenstein. Ales 16:00 sarà na Mëssa y dedô vàn cole bus fina a Tlùses a cëna. Se prenoté pa Hartmann Frontull al 347/2388302.

Referat: Le Consëi de Cöra d'La Val enviëia a en referat dal titul "Porsones dla mesëria co vèn a petlé. Na realté. Da che pòres pa cialé aiüt?" Le referat è en dédemesaledema ai 8 d'aorí ales 20:00, te picio salf de comun sò La Val. Referënc è Karmen Rienzner y Werner Niederbrunner dla Caritas, y Carlo Pizzinini dla Čiasa dla Solidarieté.

Jogn: Le Sorvisc ai Jogn (SaJ) lascia alessëi che Giorgio Costabiei (colaboradú dal Ofize dal Laür a Bornech) sarà te SaJ por ti dé a jones y jogn enformaziuns sön domandes co reverda le monn dal laür, sii chël da d'isté co döt l'ann. Udiënzes èl ai 10 d'aorí y ai 8 de mà dales 15:30 ales 16:30, tla sonta dal Sorvisc ai Jogn ta Picolin, tel. 0474/523070.

Biblioteca: La biblioteca "Angelo Trebo" y le Zënter Families Mareo organisëia na sèra da s'la cunté por ingeleje. Inçe sce an sa püch le lingaz, èsun empò bel enviës. An s'encunta en jöbia ai 9 d'aorí ales 20:00, te biblioteca d'Al Plan.

Curs: Ai 7 d'aorí ales 9 danmisdé mët man te salf dla Raiffeisen en curs de pilates. Por iscriziuns y enformaziuns telefoné a Karin Taibon al nr. 329/2223634.

Comun: Le Comun de Mareo lascia alessëi che al vèn inçe eniann endô chirí jont co stái d'isté pla sbarra dal daz sön la strada da Pederü. Les domandes scrites è da dé jö te Comun anter i 13 d'aorí, dertan i orars d'ofize.

Artejagn: Artejagn, artejanas y ères tal artejanat dal comun de Mareo è enviës ala reuniun generala, en vëndres ai 10 d'aorí ales 20:00, tla Ücia Riffa. **Program:** 1) Salüt dal sorastant, 2) relaziun dal sorastant de Puster, 3) Prejentaziun dal proiet "Artejanat Val Badia - Dolomites", 4) Salüt de Ombolt y Assessur, 5) Lites de Comun, 6) Desvalies.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - čina al dédemesaledema sèra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o inçe www.valbadiaonline.it



Ploania
d'Al Plan
de Mareo

La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefönn y fax de calogna 0474/501006

PASCA DE RESSOREZIUN, ai 05.04.15 - nr. 19



福若瑟
VAL BADIA

ALLELUIA, ALLELUIA, ALLELUIA!

En scrai de ligrëza rondenësc encö sora döt le monn. Al pëia ia dal cör, atoca i slef y arjunj vigne porsona sölà tera. Gejú è rosserí desch'al â dit, al è ví y è con nos por dagnora. Al à davagné y batü la mort. Encö ànse na speranza nea, co se dà coraje da nia la dé sò.



Domègna: 05.04: La solenità dla Ressorenziun - Pasca

N.B.: **6.30:** **Messadora con benedisciun dal Signè**
S.M. de reng. dles Families
S.M. por +nta Magdalena Flatscher Ches Costes
8.30: Gran mëssa a La Pli
9.00: **Proa dal Cor de Dlijia**
10.00: **S.M. sol. por la Ploania con Benedisciun dal Signè**
Messa "Brixinensis" con strumonc' a flè
18.00: S.M. por +nc' Ellecosta Rudi y Regina
S.M. por +nt Erlacher Tone de Corcela
S.M. por +nta Maria Kehrer Schanung



Lön. 06.04: **Lönesc de Pasca: 2. dè dal otava de Pasca**
8.30: Gran Mëssa a La Pli
10.00: S.M. de reng. dla Vita de Palfrader Albina dal Nora
S.M. por +nt Egon Federa dal Tlomper
S.M. por +nt Jepele Frontull
S.M. por +nta Giovannina y Fam. Matteo y Valenti
S.M. por les Püres Animes plü arbandonades

Dédol. 07.04: **Dedol. dla otava de Pasca: S.Jan Batista da La Sale**
7.30: S.M. a La Pli

Dédem.08.04 **Dedem. dla otava de Pasca: Sa.Beata, S.Walter**
18.00: S.M. aniv. Por +nt Hans Leimegger Hot.Condor
S.M. por +nt Mutschlechner Peter, Longega
S.M. por +nta Magdalena Flatscher (grup Volont.)
S.M. por +nta Alberti Laura


Jöbia 09.04: **Jöbia dla otava de Pasca: Sa.Waltraud, S.Conrad**
19.30: S.M. a La Pli

Vèndr.10.04.: **Vèndres dal otava de Pasca: S.Engelbert**
7.10: **S.M. por i scolari**
S.M. aniv.por +nta Marianna Call Frenner de losc
S.M. por +nc' Heinrich y Iudita Burchia de Brüscia
S.M. aniv. por +nta Lanz Germana y +nc' Miribung

Sab. 11.04.: **15.00: Ora de oraziun y adoraziun**
Sabeda dla otava de Pasca: Sa.Maria in sabato
7.30: S.M. a La Pli
11.00: Funziun dal Bato de Elias Erlacher
17.00: Possibilità da se pissiè por Pasca
18.00: S.M. por +nt Mutschlechner Albert dal Pech
S.M. por +nta Frenner Kaneider Anna dai Rech'
S.M. aniv. por +nta Angela Erlacher de Corcela
S.M. por +nc' Feichter Josef, Maria y Milio

Domègna 12.04: Dominica in Albis: Domègna Blancia
Oferta por i bojügn dla Ploania

8.30: Gran Mëssa a La Pli
9.30: Funziun dla Domègna: Pasca
10.00: S.M. por dōta la Comunità
18.00: S.M. 1. aniv.por +nt Tone Ties dal Nora
S.M. por +nta Veneranda Piazza Rindler
S.M. en onù dai Agni Custodi por la Fam. De Mano
S.M. por +nc' Comploi Canzio, Tille y Rita de Mano



Pêsc

Saràl mo en iade pêsc
sön nosc monn tan martorjé?
È la pêsc ma na parora,
en dejidèr, na utopia?
Pò la jont la costrui
con val' sforz y n pü' de fadia
y con bona orenté
danter i popui la mantigní?
Sc'i mo vègn con mio fre,
con chi co vir encèr mè ia,
sc'i pròi da vire en armonia,
datrai dé do con umilté,
sc'i sun bun da pordené
y da ester manco rio,
da confidé tal aiüt de Dio,
pòi spo forsc avèi speranza
te n monn normal y zonga veres,
zonga crusc y zonga plaies,
olache amur devènj le sènn
y i gragn nemisc se dá la man,
te n monn che düc se dejidrun,
zonga dolur y maraties
y zonga jont co mör da fan,
zonga egoism y prepotènza,
con plü bonté y plü cherianza ?

Al sarà na mia ilujiun,
mo i ô perié y dassènn speré
te n monn plü iüst, te n monn de pêsc,
y con i agni adöm cianté:
Gloria a Dio alalt a ci
y pêsc ala jont de bona orenté.

gp



Ostersonntag

Gestern
wurde ich mit Christus gekreuzigt,
heute
werde ich mit ihm verherrlicht.

Gestern
wurde ich mit ihm begraben,
heute
werde ich mit ihm auferweckt.

Gregor von Nazianz

Deike



Finde die 8 Fehler im unteren Bild!

Sorvisc dai Ministronç

Lönesc de Pasca 06/04 (10:00h): Kevin Sorà, Manuel Ties, Gabriel Trebo, Miller Suani, Max Clara, Marco Vavrek;

Dédemesaledema 08/04 (18:00h), Vèndres 10/04 (07:10h): Marlene Palfrader, Lara Ploner;

Sabeda 11/04 (18:00h): Emma Sogorka, Elena y Natalie Obojes, Serena Alessandri, Anna Chierchia, Lisa Comploi;

Domgèna 12/04 (10:00h): Samuel Castlunger, Anna Chierchia, Linda, Luianta y Moltina Clara, Elisa Coppola;

Domgèna 12/04 (18:00h): Sara Doria, Esther Comploi, Alice Daverda, Julia y Matio Erlacher, Catarina Frenner;

